

usque ad finem fortiter, suaviterque disponens omnia, dum decerneret pœnas, medicinam utique præparabat.

*Discretæ ætatis annos vix dum attigeramus, cùm occurrit nobis ac veluti se spontè obtulit paratum ab æterno præsidium, quod nobis nequidem in mentem venerat vel quærere, vel etiam desiderare. Ducente nos, ut ita dicam, ad manum divinâ providentiâ, obvius stetit ille, quem in opus ad quod assumpserrat cum, æterna sapientia sibi segregarat.*

*Quid ergo contigit, auditores ornatissimi? Sensûs unius defectum alterius sensûs ministerium supplevit: ascendit per fenestras sacra doctrina, quæ non poterat per januam introire: idest, oculorum auxilio, ars magistra nos edocuit quidquid scientiæ & veritatis aurium organo cæterorum hominum mentibus infunditur.*

*Lux in tenebris luxit. Dei optimi vicini existentiam, ejusque proprietates & opera didicimus: quin etiam præcipua Religionis nostræ Mystera, ejusque & Sacramenta & præcepta mente affecuti, sacre doctrinæ copiam hausimus, forsitan plenior, quàm si nostræ nascendo patefactæ fuissent aures, & vinculum linguæ resolutum.*

*Hic tandem insperatæ beneficentiæ cumulus. Labia nostra Deus aperuit, & os nostrum annuntiat laudem ejus.*

*Quidni ergo, auditores ornatissimi, ad nos etiam pertineret istud Sancti Spiritûs oraculum, sapientia aperuit os mutorum, & linguas infantium fecit disertas?*